

Allannguutissatut siunnersuut

uunga

Uunga siunnersuut: Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx 2011-meersoq

Naalakkersuisut aappassaaneerinissami saqqummiussaat.

§ 1-imut

1. § 4 a peerneqarpoq.
2. § 2, imm. 1 ima oqaasertaqarpoq:
"Imm. 1. Raajat § 1-imi taaneqartut akiinit akitsuummut akiliisoqartassaaq, takuulli § 3. Nunaanuit nioqquteqartup Kalaallit Nunaanniit Kalaallit Nunaata avataani apuuffissaannut assartuinermi aningaasartuutit ilanngutinngippagit, tunisinermi aki raajanut akitsuusigassanut kiiłumut 1 kr.-imik qaffanneqassaaq."
3. § 4, imm. 2-mi "kiiłumut akiat" kingornagut ivertinneqassaaq: ", § 2, imm. 1, oqaaseqatigiit appaat naapertorlugu qaffaataajunnartunik ilasaq"

Siunnersummut oqaaseqaatit

Oqaaseqaatit nalinginnaasut

Naalakkersuisut inatsisisattut siunnersuutip siullermeerneqarnera ilutigalugu maluginiarpaat, maleduagassiatut siunnersuutaqqartup assartuinermi aningaasartuutit ilanngullugit ilanngunnagilluunniit tunisinermi akitsuutinik akiliinissamik kalluaannginnissaq qulakkiivinngikkaa.

Akitsuutip assartuinermi aningaasartuutit ilanngullugit ilanngunnagilluunniit naatsorsorneqarnissaa eqqarsaatigalugu siunnersuutip sapinngisamik kalluaannginnissaq Naalakkersuisut siunniussaraat.

Aammattaaq Naalakkersuisut paasivaat aalajangersakkap siunnersuutaasup siulliup qanoq pisoqarnera apeqqutaatillugu Landskarsimut isertitassatigut annaasaqaataalaarsinnaasoq. Isertitassatigut annaasaqartoqarsinnaavoq nunanut allanut nioqquteqartut tamarmik assartuinermi aningaasartuutit tunisinermi akigititaminnut ilannguttarunnaassappatigit.

Taamaammat Naalakkersuisut aalajangerput allannguutissatut siunnersummik saqqummius-siniarlutik, nunanut allanut nioqquteqartut tunisinermi minnut atatillugu assartuinermi aningaasartuutinik ilanngussisanngitsut, raajat tunineqarneranni akiannik raajanut akitsuusigassanut ki-ilumut 1 kr.-imik qaffaasalersillugit.

Nunanut allanut nioqquteqartut tamarmik assartuinermi aningaasartuutit tunisinermi akigititaminnut ilannguttarunnaassappatigit isertitassatigut annaasaqaratarsinnaaneq siunnersuutikkut pinngitsoortinniarneqarpoq. Tassa nunanut allanut nioqquteqartut akitsuutinik akiliisineqartarnerinik kalluaannginnissaq allannguutissatut siunnersuutip siunnersuutaqqartumit qulakkeernerussavaa.

Naalakkersuisut qaffaassutissamik angissusiliinerminni assartuinermi akinut massakkut atuut-tunut sapinngisamik qanillattorniarput. Tassunga ilanngullugu eqqarsaatigineqarpoq akit massakkut atuuttut allanngortinneqarneri tamaasa inatsisinik allannguisarnissap ajornakusoortuunissaa.

Allannguutissatut siunnersuutip kingunerisaanik isertitassat ukiumut 1,5 mio. kr.-inut missili-unneqarput.

Aalajangersakkanut ataasiakkaanut oqaaseqaatit

Nr. 1-imut

Naatsorsueriaatsimik nunanut allanut nioqquteqartut, qanoq niueriaaseqarnerat apeqqutaatin-nagu akitsuutinik akiiliisinneqartarnerannik kalluaannginnissamik, siusinnerusukkut siunner-suuttaaqqaartumit qulakkeerinninnerusumik siunnersuuteqarnissamik aalajangerneq siunner-suummut tunngaviuvoq, tak. ataani 2 aamma 3.

Nr. 2-mut

Siunnersuutaavoq nunanut allanut nioqquteqartut Kalaallit Nunaanniit tunisiffigisaminnut Ka-laallit Nunaata avataaniittumut assartuinermi aningaasartuutinik ilanngussisanngitsut, raajat tunineqarneranni akiat raajanut akitsuusigassanut kiilumut 1 kr.-imik qaffattassagaat.

Assersuutigalugu raajat akitsuusigassat tunineqarnerini, assartuinermi aningaasartuutit ilan-ngunnagit kiilumut 14 kr.-qarpata, taava akitsuusiinissamut tunngavissamik naatsorsuinermi tunisinermi akigititaq 15 kr.-inut qaffanneqassaaq.

Nr. 3-mut

Siunnersuut nr. 2-mi taaneqartumi allannguinerterik tunngaveqarpoq, taamaasilluni nunanut allanut nioqquteqartut Kalaallit Nunaanniit Kalaallit Nunaata avataani apuuffissaannut as-sartuinermi aningaasartuutit ilanngutinngippatigit, tunisinermi aki raajanut akitsuusigassanut kiilumut 1 kr.-imik qaffaassasut.

Akititat nikerarneri aallaavigalugit raajanut akitsuusigassanut naatsorsueriaaseq atorneqartoq allannguinerup kingunerisaanik allanngortinneqanngilaq.